

**DE BEERS KANATAMI NALVAARHIUQTIT INC.
KIKERK LAKE (KIKKIKTALIK) HANAJAUJUT NAUNAIPKUTIT**

Talvanngat 1993-mit uplumimut, De Beers Kanatami Nalvaarhiuqtit (atiqaqqaarhimajut Monopros Limited-mik), Kanatami diamonds-nik nalvaarhiuqtit, nalvaarhiuqpaktut Kikerk Tahiani (Kikkiktalik) avikturhimajumi havakviptingnik Yalunaimi. Tingmiplutik nunap qaanganik nalvaarhiuqpaktut 1993-mi, 111-nik ujaraghiuvighat tigujauhimajut talvani NTS 86 I/14-15, 86P/02-03 taamnaluk 86P/06-07. Tigujauhimajuqanngittuq Inuit-Nanminirijaani Nunanik. Hikumiittuqaniittunik ihivriurhiplutiklu 1993-mi 1994-mil, ihivriurhitqighutik tingmiplutik 1996-mi. 1997 atuliqmat, titirarhimaliqmata Nunamik Aturumajut Laisinik, tigujaumuutit nunanik ikilihimajut 71-ngurhutik. Monopros pihimaliqtut tamangnik Kanatap Nunaanik Aturutinik Laisinik taapkuninngalu Nunavut Imakut Laisinik 1997-mi, nalvaarhiuqlutik ikuutarumaplutik, kihimi taamna havaarijaunngittuq aujautinnagu 2000-mi. 2000-mittauq, pingahunik ujaraghiuvighanik ikuutarhimajut nunami hinaanilu mikijup tahiqli, atilik "Knife Lake-mik", qaangani De Beers-kut tigujaumajaanik KL 12 taapkualu Rhonda Ujaraghiuqtut Kuapuriissangat Tree 1 tigujjutaat. Uplumi, qaffinnuujut tigujauhimaliqtut De Beers'-kut tiguhitvilraanganik KL-mik.

De Beers' Kanatami Nalvaarhiuqtut nutqarhimaittumik ujaraghiurumajut huli hamani (NTS 86 I/14 and 86P/03) tughirhutiklu nutaamik Kanatap Nunanik Aturutighaanik. Nutaamik imakut laisinighutik talvanngat Nunavut Imakut Katimajiinnik. De Beers-kut angirutiqarhimajut taapkualu Rhonda Ujaraghiuqtit nalvaarhiurutighamingnik ikuutaqlutik talvani Tree 1 tiguhijjutaanik, Kanatap nunanganittuq.

De Beers Kanatami Nalvaarhiuqtit ikuutarumajut tallimanik ujaraghiuvighanik naunaiqlugu "Knife Lake" ujaqqat talvani Tree 1 tighuhijjutaanik, tikitpat 01 April, 2001 iniqlutik 01 May, 2001. Havaktiqaqviqalaittuq talvani Kikkiktalik Nanminirijaani; urhughainik tutquumanahuaqtut ikuutaqvingmingnik, ihariagijaukpata, ikuutaqtillu nunahiuqtullu kivgaqtighaallu Kugluktuminngaarahuat.

De Beers Kanatami Nalvaarhiuqtit naunaijaihimmaarumajut ujaqqanik nanijauhimajunik aippaangani qiniffaaqlutiklu ujaqqanik nalvaarhiuvighamingni, taimaalu, havaqatigiittiarumajai ataniqtuijut inuillu Qitirmiunit.

Naammainnaqnarahugijaukpat, nalvaarhiurhimaarumik, ikuutarhimmaaqniaqtut nutqarhimaittumik ukiuni atuqtughani.